

<b>Համարը N 139-Ն</b> <b>Տիպը Որոշում</b> <b>Սկզբնաղբյուրը ՀՀՊՏ 2016.03.02/16(1196)</b> <b>Հոդ.152</b> <b>Ընդունող մարմինը ՀՀ կառավարություն</b> <b>Ստորագրող մարմինը ՀՀ վարչապետ</b> <b>Վավերացնող մարմինը</b> <b>Ուժի մեջ մտնելու ամսաթիվը 12.03.2016</b>	<b>Տեսակը Հիմնական</b> <b>Կարգավիճակը Գործում է</b> <b>Ընդունման վայրը Երևան</b> <b>Ընդունման ամսաթիվը 18.02.2016</b> <b>Ստորագրման ամսաթիվը 23.02.2016</b> <b>Վավերացման ամսաթիվը</b> <b>Ուժը կորցնելու ամսաթիվը</b>
--	---

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

18 փետրվարի 2016 թվականի N 139-Ն

**«ՎԵՐԱՄՇԱԿՈՒՄ՝ ՄԱՔՍԱՅԻՆ ՏԱՐԱԾՔՈՒՄ», «ՎԵՐԱՄՇԱԿՈՒՄ՝ ՆԵՐՔԻՆ ՍՊԱՌՄԱՆ ՀԱՄԱՐ» ՄԱՔՍԱՅԻՆ ԸՆԹԱՑԱԿԱՐԳԵՐՈՎ ՆԵՐՄՈՒԾՎՈՂ ՈՐՈՇ ԱՊՐԱՆՔՆԵՐԻ ՎԵՐԱՄՇԱԿՈՒՄԻՑ ՀԵՏՈ ՍՏԱՑՎԵԼԻՔ ԱՐԴՅՈՒՆՔԻ ՆՎԱԶԱԳՈՒՅՆ ԶՎՓԱՔԱՆԱԿՆԵՐԸ ՍԱՀՄԱՆԵԼՈՒ ԵՎ «ՎԵՐԱՄՇԱԿՈՒՄ՝ ՄԱՔՍԱՅԻՆ ՏԱՐԱԾՔԻՑ ԴՈՒՐԱ» ՄԱՔՍԱՅԻՆ ԸՆԹԱՑԱԿԱՐԳՎ ԱՐՏԱՀԱՆԿՈՂ ՈՐՈՇ ԱՊՐԱՆՔՆԵՐԻ ՎԵՐԱՄՇԱԿՈՒՄԻՑ ՀԵՏՈ ՍՏԱՑՎԵԼԻՔ ԱՐԴՅՈՒՆՔԻ ՆՎԱԶԱԳՈՒՅՆ ԶՎՓԱՔԱՆԱԿՆԵՐԸ ՍԱՀՄԱՆԵԼՈՒ, ԻՆՉՊԵՍ ՆԱԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2001 ԹՎԱԿԱՆԻ ՄԱՐՏԻ 27-Ի N 239 ԵՎ 2000 ԹՎԱԿԱՆԻ ԴԵԿՏԵՄԲԵՐԻ 31-Ի N 895 ՈՐՈՇՈՒՄՆԵՐՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

«Մաքսային կարգավորման մասին» Հայաստանի Հանրապետության օրենքի 194-րդ, 201-րդ և 209-րդ հոդվածների համաձայն՝ Հայաստանի Հանրապետության կառավարությունը **որոշում է.**

1. Սահմանել՝

1) «Վերամշակում՝ մաքսային տարածքում» և «Վերամշակում՝ ներքին սպառման համար» մաքսային ընթացակարգերով ներմուծվող որոշ ապրանքների վերամշակումից հետո ստացվելիք արդյունքի նվազագույն չափաքանակները՝ համաձայն N 1 հավելվածի.

2) «Վերամշակում՝ մաքսային տարածքից դուրս» մաքսային ընթացակարգով արտահանվող որոշ ապրանքների վերամշակումից հետո ստացվելիք արդյունքի նվազագույն չափաքանակները՝ համաձայն N 2 հավելվածի:

2. Ուժը կորցրած ճանաչել Հայաստանի Հանրապետության կառավարության 2001 թվականի մարտի 27-ի «Ժամանակավոր ներմուծում՝ վերամշակման համար» ռեժիմով ներմուծված ապրանքների վերամշակումից հետո ստացվելիք արդյունքի նվազագույն քանակության սահմանման կարգը և «Ժամանակավոր արտահանում՝ վերամշակման համար» ռեժիմով արտահանված ապրանքների վերամշակումից հետո ստացվելիք արդյունքի, ինչպես նաև վերամշակումից զոյացած թափոնների և մնացորդների նվազագույն քանակության սահմանման կարգը հաստատելու մասին» N 239 և 2000 թվականի դեկտեմբերի 31-ի «Հայաստանի Հանրապետության մաքսային օրենսգրքով նախատեսված «Ժամանակավոր ներմուծում՝ վերամշակման համար» ռեժիմով ներմուծված և «Ժամանակավոր արտահանում՝ վերամշակման համար» ռեժիմով արտահանված ապրանքների վերամշակումից հետո ստացվելիք արդյունքի նվազագույն քանակություն սահմանող, ինչպես նաև Հայաստանի Հանրապետության ապրանքների ծագման երկրի որոշումն իրականացնող լիազորված մարմնի մասին» N 895 որոշումները:

3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Հայաստանի Հանրապետության  
վարչապետ

Հ. Արրահամյան

2016 թ. փետրվարի 23  
Երևան

**«ՎԵՐԱՄՇԱԿՈՒՄ՝ ՄԱՔՍԱՅԻՆ ՏԱՐԱԾՔՈՒՄ» ԵՎ «ՎԵՐԱՄՇԱԿՈՒՄ՝ ՆԵՐՔԻՆ ՍՊԱՍՄԱՆ ՀԱՄԱՐ» ՄԱՔՍԱՅԻՆ ԸՆԹԱՑԱԿԱՐԳԵՐՈՎ ՆԵՐՄՈՒԾՎՈՂ ՈՐՈՇ ԱՊՐԱՆՔՆԵՐԻ ՎԵՐԱՄՇԱԿՈՒՄԻՑ ՀԵՏՈ ՍՏԱՑՎԵԼԻՔ ԱՐԴՅՈՒՆՔԻ ՆՎԱԶԱԳՈՒՅՆ ԶԱՓԱՔԱՆԱԿՆԵՐԸ**

1. Սույն հավելվածի դրույթներով կարգավորվում են «Վերամշակում՝ մաքսային տարածքում» և «Վերամշակում՝ ներքին սպառման համար» մաքսային ընթացակարգերով ներմուծվող որոշ ապրանքների վերամշակումից հետո ստացվելիք նվազագույն արդյունքի, ինչպես նաև վերամշակումից գոյացած թափոնների, մնացորդների ու կորուստների քանակությունը սահմանելու հետ կապված հարաբերությունները՝ բացառությամբ մշակութային արժեքների:

2. Սույն հավելվածի իմաստով «որոշ ապրանքներ» են համարվում Հայաստանի Հանրապետության կառավարության որոշմամբ սահմանված իրավասու մարմինների կողմից սահմանված վերամշակումից հետո ստացվելիք արդյունքի ստանդարտ չափաքանակներ ունեցող ապրանքներից տարբերվող ապրանքները:

3. «Վերամշակում՝ մաքսային տարածքում» և «Վերամշակում՝ ներքին սպառման համար» մաքսային ընթացակարգերով ներմուծվող որոշ ապրանքների վերամշակումից հետո ստացվելիք արդյունքի նվազագույն չափաքանակն (ելքի նորման) այն քանակն է, որը գոյանում է ըստ արտադրական պրոցեսի վերամշակման համար ներմուծվող որոշակի քանակությամբ օտարերկրյա ապրանքների վերամշակման արդյունքում՝ բնափրային կամ արժեքային չափի միավորներով կամ տոկոսային արտահայտությամբ:

4. «Վերամշակում՝ մաքսային տարածքում» և «Վերամշակում՝ ներքին սպառման համար» մաքսային ընթացակարգերով ներմուծվող օտարերկրյա ապրանքների վերամշակումից հետո ստացվելիք թափոնների ու մնացորդների չափաքանակն այն քանակությունն է, որը գոյանում է արտադրական պրոցեսի արդյունքում և սույն հավելվածի 3-րդ կետում նշված վերամշակումից հետո ստացվելիք արդյունքի նվազագույն չափաքանակ չի համարվում:

5. Մնացորդ է համարվում սույն հավելվածի 4-րդ կետով սահմանված՝ վերամշակումից հետո ստացվելիք արդյունքի նվազագույն չափաքանակ չհանդիսացող՝ վերամշակումից գոյացած հումքի և նյութերի այն քանակությունը, որը դասվում է հումքի, նյութերի հետ նույն ԱՏԳ ԱԱ-ի ծածկագրին և չի կորցրել իր սկզբնական սպառողական հատկությունները:

6. Թափոն է համարվում վերամշակումից գոյացած հումքի, նյութերի այն քանակությունը, որը դասվում է հումքի, նյութերի հետ նույն ԱՏԳ ԱԱ ծածկագրին, կորցրել է իր սկզբնական սպառողական հատկությունները և հնարավոր չէ օգտագործել որպես հումք՝ նմանատիպ կամ այլ արտադրական պրոցեսում:

7. Կորուստ է համարվում ապրանքների վերամշակման արտադրական գործընթացի արդյունքում գոյացած և (կամ) չվերականգնվող (անվերադարձելի) հումքի, նյութերի այն քանակությունը, որը կորցրել է իր սկզբնական հատկությունները: Կորուստ են համարվում նաև բնական կորուստները:

8. Ապրանքներ ներմուծող անձը (այսուհետ՝ հայտատու) Հայաստանի Հանրապետության կառավարության սահմանած կարգով Մաքսային տարածքում ապրանքների վերամշակման կամ ներքին սպառման համար ապրանքների վերամշակման թույլտվություններ (այսուհետ՝ թույլտվություն) ստանալու համար Հայաստանի Հանրապետության ֆինանսների նախարարություն (այսուհետ՝ լիազոր մարմին) է ներկայացնում «Վերամշակում՝ մաքսային տարածքում» և «Վերամշակում՝ ներքին սպառման համար» մաքսային ընթացակարգերով ներմուծվող ապրանքների վերամշակումից հետո ստացվելիք նվազագույն արդյունքի, ինչպես նաև վերամշակումից գոյացած թափոնների, մնացորդների և կորուստների չափաքանակների հաշվարկը՝ համաձայն սույն հավելվածի ձևի, որը հաշվարկվում է հետևյալ եղանակներից որևէ մեկով՝

1) պատվիրատուի և վերամշակողի (արտադրողի) միջև ստորագրված պայմանագրով ամրագրված վերամշակման նվազագույն արդյունքի և (կամ) վերամշակումից գոյացած թափոնների, մնացորդների և կորուստների չափաքանակով.

2) վերամշակողի (արտադրողի) կողմից տվյալ արտադրանքի արտադրության համար հաստատված ազգային կամ միջազգային ստանդարտների, տեխնիկական փաստաթղթերի կամ միջպետական ԳՈՍՏ-երի (ԳՕՏ-երի) պահանջներին համապատասխան հաշվարկված վերամշակման նվազագույն արդյունքի և (կամ) վերամշակումից գոյացած թափոնների, մնացորդների և կորուստների չափաքանակով.

3) գիտահետազոտական կազմակերպությունների կազմում գտնվող փորձարկման լաբորատորիաների կամ Հայաստանի Հանրապետության օրենսդրությամբ սահմանված կարգով հավատարմագրված փորձարկման լաբորատորիաների (այսուհետ՝ լաբորատորիա) կողմից հաստատված վերամշակման նվազագույն արդյունքի, ինչպես նաև վերամշակումից զոյացած թափոնների, մնացորդների և կորուստների չափաքանակով:

9. Մինչ թույլտվություն ստանալու նպատակով լիազոր մարմին դիմելը՝ հայտատուն իրավունք ունի դիմելու լաբորատորիաներ՝ վերամշակման նվազագույն արդյունքի, ինչպես նաև վերամշակումից զոյացած թափոնների, մնացորդների և կորուստների չափաքանակների հաստատման նպատակով, ու վերջինիս կողմից հաստատված չափաքանակները բավարար հիմք են մաքսային մարմնի համար: Թույլտվություն ստանալու համար հայտատուի կողմից ներկայացված հաշվարկի ուսումնասիրության նպատակով, անհրաժեշտության դեպքում, վերադաս մաքսային մարմինը կարող է ներգրավել սույն հավելվածի 8-րդ կետի 3-րդ ենթակետում նշված լաբորատորիայի ներկայացուցիչներին:

10. Վերամշակման արդյունքի նվազագույն չափաքանակը հաշվարկելիս հաշվի են առնվում նաև վերամշակման ընթացքում առաջացող թափոնների, մնացորդների և արտադրական կորուստների քանակությունները:

11. Հայտատուն Հայաստանի Հանրապետության օրենքով սահմանված կարգով պատասխանատվություն է կրում իր ներկայացրած փաստաթղթերի և տեղեկությունների ամբողջականության և արժանահավատության համար:

**Հայաստանի Հանրապետության  
 կառավարության աշխատակազմի  
 ղեկավար-նախարար**

**Դ. Հարությունյան**

**Հ Ա Շ Կ Ա Ր Կ**

**«ՎԵՐԱՄՇԱԿՈՒՄ՝ ՄԱՔՍԱՅԻՆ ՏԱՐԱԾՔՈՒՄ» ԵՎ «ՎԵՐԱՄՇԱԿՈՒՄ՝ ՆԵՐՔԻՆ ՍՊԱՌՄԱՆ ՀԱՍԱՐ» ՄԱՔՍԱՅԻՆ ԸՆԹԱՑԱԿԱՐԳԵՐՈՎ ՆԵՐՄՈՒԾՎՈՂ ԱՊՐԱՆՔՆԵՐԻ ՎԵՐԱՄՇԱԿՈՒՄԻՑ ՀՏՈՒ ՍՏԱՑՎԵԼԻՔ ՆՎԱԶԱԳՈՒՅՆ ԱՐԴՅՈՒՆՔԻ, ԻՆՉՊԵՍ ՆԱԵՎ ՎԵՐԱՄՇԱԿՈՒՄԻՑ ԳՈՅԱՑԱԾ ԹԱՓՈՆՆԵՐԻ, ՄՆԱՑՈՐԴՆԵՐԻ ԵՎ ԿՈՐՈՒՍՆԵՐԻ ՉԱՓԱՔԱՆԱԿՆԵՐԻ**

N N Ը/ Կ	Վերամշակման համար ներմուծվող օտարերկրյա ապրանքները			Վերամշակման արդյունքում զոյացած																				
				թափոնները				կորուստները				մնացորդները												
								բնական		արտադրական														
անվանումը	ապրանքի ծածկագիրը	քանակությունը	մաքսային արժեքը	անվանումը	ապրանքի ծածկագիրը	քանակությունը	մաքսային արժեքը	անվանումը	ապրանքի ծածկագիրը	քանակությունը	մաքսային արժեքը	անվանումը	ապրանքի ծածկագիրը	քանակությունը	մաքսային արժեքը	անվանումը	ապրանքի ծածկագիրը	քանակությունը	մաքսային արժեքը					
1	2	3	4	5	6	7	8	9	10	11	12	13	14	15	16	17	18	19	20	21	22	23	24	25

Սույն հաշվարկի 5-րդ, 9-րդ, 13-րդ և 24-րդ սյունակներում նշված «մաքսային արժեքը» որոշվում է հայտարարագրման փուլում:

Դիմող \_\_\_\_\_  
 (ստորագրությունը)

\_\_\_\_\_ (անունը, հայրանունը, ազգանունը)

\_\_\_\_\_ 20\_\_թ.

**«ՎԵՐԱՄՇԱԿՈՒՄ՝ ՄԱՔՍԱՅԻՆ ՏԱՐԱԾՔԻՑ ԴՈՒՐՍ» ՄԱՔՍԱՅԻՆ ԸՆԹԱՑԱԿԱՐԳՎ  
ԱՐՏԱՀԱՆՎՈՂ ՈՐՈՇ ԱՊՐԱՆՔՆԵՐԻ ՎԵՐԱՄՇԱԿՈՒՄԻՑ ՀԵՏՈ ՍՏԱՑՎԵԼԻՔ ԱՐԴՅՈՒՆՔԻ  
ՆՎԱԶԱԳՈՒՅՆ ԶԱՓԱՔԱՆԱԿՆԵՐ**

1. Սույն հավելվածի դրույթներով կարգավորվում են «Վերամշակում՝ մաքսային տարածքից դուրս» մաքսային ընթացակարգով արտահանվող որոշ ապրանքների վերամշակումից հետո ստացվելիք արդյունքի նվազագույն չափաքանակները սահմանելու հետ կապված հարաբերությունները՝ բացառությամբ մշակութային արժեքների:

2. Սույն հավելվածի իմաստով «որոշ ապրանքներ» են համարվում Հայաստանի Հանրապետության կառավարության որոշմամբ սահմանված իրավասու մարմինների կողմից սահմանված վերամշակումից հետո ստացվելիք արդյունքի ստանդարտ չափաքանակներ ունեցող ապրանքներից տարբերվող ապրանքները:

3. «Վերամշակում՝ մաքսային տարածքից դուրս» մաքսային ընթացակարգով արտահանվող ապրանքների վերամշակումից հետո ստացվելիք արդյունքի նվազագույն չափաքանակը (ելքի նորմա) այն քանակն է, որը գոյանում է ըստ արտադրական պրոցեսի վերամշակման համար արտահանվող որոշակի քանակության մաքսային միության ապրանքների վերամշակման արդյունքում՝ բնաիրային կամ արժեքային չափման միավորներով կամ տոկոսային արտահայտությամբ:

4. Ապրանքներ արտահանող անձը (այսուհետ՝ հայտատու) Հայաստանի Հանրապետության կառավարության սահմանած կարգով մաքսային տարածքից դուրս ապրանքների վերամշակման թույլտվություն (այսուհետ՝ թույլտվություն) ստանալու համար Հայաստանի Հանրապետության ֆինանսների նախարարություն (այսուհետ՝ լիազոր մարմին) է ներկայացնում «Վերամշակում՝ մաքսային տարածքից դուրս» մաքսային ընթացակարգով արտահանվող մաքսային միության ապրանքների վերամշակումից հետո ստացվելիք արդյունքի նվազագույն չափաքանակների հաշվարկը՝ համաձայն սույն հավելվածի ձևի, որը հաշվարկվում է հետևյալ եղանակներից որևէ մեկով՝

1) պատվիրատուի և վերամշակողի (կատարողի) միջև ստորագրված պայմանագրով որոշված վերամշակման նվազագույն արդյունքի չափաքանակով:

2) վերամշակողի (կատարողի) կողմից հաստատված վերամշակման նվազագույն արդյունքի չափաքանակով:

5. Մինչ թույլտվություն ստանալու նպատակով լիազոր մարմին դիմելը՝ հայտատուն իրավունք ունի դիմելու լաբորատորիաներ՝ վերամշակման նվազագույն արդյունքի հաստատման նպատակով, և վերջինիս կողմից հաստատված չափաքանակները բավարար հիմք են մաքսային մարմնի համար: Թույլտվություն ստանալու համար հայտատուի կողմից ներկայացված հաշվարկի ուսումնասիրության նպատակով, անհրաժեշտության դեպքում, վերադաս մաքսային մարմինը կարող է ներգրավել Հայաստանի Հանրապետության կառավարության 2016 թվականի փետրվարի 18-ի N 139-Ն որոշման N 1 հավելվածի 8-րդ կետի 3-րդ ենթակետում նշված լաբորատորիայի ներկայացուցիչներին:

6. Հայտատուն Հայաստանի Հանրապետության օրենքով սահմանված կարգով պատասխանատվություն է կրում իր ներկայացրած փաստաթղթերի և տեղեկությունների ամբողջականության ու արժանահավատության համար:

**Հայաստանի Հանրապետության  
կառավարության աշխատակազմի  
ղեկավար-նախարար**

**Դ. Հարությունյան**

### Հ Ա Շ Վ Ա Ր Կ

#### «ՎԵՐԱՄՇԱԿՈՒՄ՝ ՄԱՔՍԱՅԻՆ ՏԱՐԱԾՔԻՑ ԴՈՒՐՍ» ՄԱՔՍԱՅԻՆ ԸՆԹԱՑԱԿԱՐԳՈՎ ԱՐՏԱՀԱՆԿՈՂ ԱԴՐԱՆՔՆԵՐԻ ՎԵՐԱՄՇԱԿՈՒՄԻՑ ՀԵՏՈ ՍՏԱՑՎԵԼԻՔ ՆԿԱԶԱԳՈՒՅՆ ԱՐԴՅՈՒՆՔԻ ԶԱՓԱՔԱՆԱԿՆԵՐԻ

N N ը/ Կ	Վերամշակման համար արտահանվող ապրանքները				Վերամշակման արդյունքը			
	անվանում ը	ապրանքի ծածկագիրը , ըստ ԱՏԳ ԱԱ-ի	քանակություն ը	մաքսային ն արժեքը	անվանում ը	ապրանքի ծածկագիր ը՝ ըստ ԱՏԳ ԱԱ-ի	քանակություն ը	մաքսային ն արժեքը
1	2	3	4	5	6	7	8	9

Սույն հաշվարկի 5-րդ և 9-րդ սյունակներում նշված «մաքսային արժեքը» որոշվում է հայտարարագրման փուլում:

Դիմող \_\_\_\_\_  
(ստորագրությունը)

\_\_\_\_\_ (անունը, ազգանունը, հայրանունը)

\_\_\_\_\_ 20\_\_թ.